



SAVEZ SAMOSTALNIH SINDIKATA
BOSNE I HERCEGOVINE

CONFEDERATION OF INDEPENDENT TRADE
UNIONS OF BOSNIA AND HERZEGOVINA

Obala Kulina bana 1, 71000 Sarajevo, Bosna i Hercegovina
Tel: +387 33 20 20 29; tel/fax: +387 33 22 61 71, 44 23 21; E-mail: ajdina@sindikatbih.ba,
Int.Dept: lcausevic@sindikatbih.ba, Web-site: www.sssbih.com.ba

Broj: 01-III-557/15
Sarajevo, 28. decembar 2015. godine

SAVEZ SINDIKATA RS

G-đa Ranka MIŠIĆ, predsjednica

**Predmet: Podrška rukovodstvu i članstvu Saveza sindikata RS povodom održavanja
Protesta protiv novog Zakona o radu RS**

Poštovana kolegice Mišić i članovi i članice SSRS,

Savez samostalnih sindikata Bosne i Hercegovine sa 25 granskih sindikata koji predstavljaju radnike i radnice u svim sektorima daje punu i bezrezervnu sindikalnu, kolegijalnu i ljudsku podršku svim aktivnostima koje vodite na zaustavljanju usvajanja Zakona o radu RS, koji predstavlja posljednji čin u višegodišnjim pokušajima da se ukinu radnička prava, a radnici pretvore u robove vlasnika kapitala, finansijskih institucija i predstavnika vlasti.

Mi u SSSBiH bolje od svih znamo čemu ste trenutno izloženi, koga sve imate nasuprot sebi i kakvu borbu vodite da zaštitite prava onih koje zastupate. Posljednjih dana jula ove godine smo bili u poziciji u kojoj se vi trenutno nalazite. Iako smo uložili nadljudske napore, dane i dane besprestanog rada, nažalost nismo uspjeli u namjeri da zaustavimo usvajanje Zakona o radu FBiH. On je usvojen na silu i uz direktno kršenje Ustava FBiH i svih parlamentarnih procedura. Stoga smo i pokrenuli inicijativu za ispitivanje ustavnosti ovog zakona. Problemi oko potpisivanja Općeg i granskih kolektivnih ugovora su direktna posljedica novog Zakona. Naša borba je sada na tom polju. Iskreno se nadamo da ćete vi i svi radnici i radnice u RS uspjeti i da ćete spriječiti usvajanje Zakona.

Osudjujemo sve vršioce vlasti koji raznim pritiscima, prijetnjama i ucjenama pokušavaju utišati glas radničke klase u RS. Podsjećamo ih da su radnici i radnice, pored penzionera, još uvijek najbrojnije glasačko tijelo i da su ih oni izabrali da sjede u udobnim foteljama i rade za interese građana, a samim tim i radnika i radnica. Stavljanje interesa kapitala ispred interesa čovjeka je direktan atak na ljudsko dostojanstvo. Pitamo se da li postoji granica ispod koje nisu spremni ići?!

Poštovana kolegice Mišić,

Članovi i članice Saveza samostalnih sindikata Bosne i Hercegovine su uz vas i sve kolege i kolegice iz Saveza sindikata Republike Srpske. Želimo da vaš glas 28. decembra u Banjaluci bude glasan i jasan. Neka vaše „Ne umanjenju prava radnika“ odjekuje i nadjača pokušaje da se usvajanjem novog Zakona o radu RS radnici de facto i de iure pretvore u roblje.

U solidarnosti i uz punu podršku,



PREDSJEDNIK
mr. Ismet Bajramović